



Tingbanyengu-Nibuoyendu-Yenmiayenli

## SAYELI DOGI TÁÁNYENMA CÀGILI (AYESI) N TIENÍ YAA KPAANU KI TUUGI LENI EROPI DOGI TÁÁNMA CÀGILI N TÁA YAA JAGILI NISEERI DIEMA BÁDIKPELO YEMA PÒ

Sayeli dogi táányenma càgili (AYESI) doagidi li pàbiidili yaala n tié Eropi dogi táánma càgili Depiteenba n den taa yaa jágili li binli 2026, citaa dana 12, ki yini laa jagili nante : « Eropi dogi Depiteenba n táani ki taa yaa jagili ki tuugi leni Niseeri minteela n tieni yaa paalú ki cùó ki luoni o bádo Mohamedi Basunmi ».

Sayeli dogi táányenma càgili waani ke báà go bua i dolami n yen miagi ki kuáni i máama yaa dogi n diedi i yùla n táandi yaa jága nni.

Eropi dogi táánma càgili Depiteenba dálì leni mi niñingbadima tuona yo ki gagidi ki bua ki tieni yaala n ki pia ñuadi leni mi biadima, ki nan ñáá yaa tùadibiada n tiendi li ñandunli nni ke yùakulí nùá ki go bání mo ke li tié yaa tùada n gundi ki tiendi yogunu kulí ki go miidi li ñandunli nni o nisaalo n naaninni yaala o yema nni. Laa tùadibiada nni bi cùó leni u paalú dieyenma bádo ki luoni ki go ñani jaanbuoyendu-liigiyùá yendo miali. Moko, li tie yaala n kaa ñani leni Eropi dogi táánma càgili n nùá ke AYESI càgili dogi ye leni yaa yànyagidi mi yandunma lúóma pò, ki tuugi leni a nibiada yaaba n ñua ki kúúni bi niba yaaliyaali ke li bua ki cie bina piiga, ke bi nùá ki naa tùa libà.

Li tie yaala n ki ñani ki go lidini bi niba leni laa Depiteenba càgicianli li ñandunli nni n báà ki pia ti yonbidi yogunu yàantiali màama, ki teni ke nicagibiga yaaga ke yuakuli bání ga ñua ki gobidi laa cagicianli leni li depiteenba, ki juogidi leni ba yaala n tie mu tinmu loagi diedima

tùadibiada pò, ki nan ñáá Eropi niba ban dini Depiteenba báli yaaba yaapo n pia yaa páka.

Ban táa yaa jágili na doagidi canyi ban pia yaa yàntiali moamoani, lani n tie ki cúáni yaa yema n tuugi leni u paalú yogunu ki bàà ki diédi ti piama ki náá ban faami Sayeli niba suginmoanma pò.

Ban bandi ke bàá pia ban baa teni AYESI cagili dógi yaa puogili bi yaa tundi. Yaala n tie ban tieni ania ki gbeni bi yáa docele niba n ye leni yaa pàka yeni, kali ki yáa tendi mi làabáali-tuofaama bebe.

AYESI càgili dogi bua ki waani ke ban táa yaa jágili yeni ki yegi leni moala ne AYESI tingbangu niba n pia yaa nunlema, ke lipo mo kan fidi ki sieni bi niba moandili mi gobidiñanma sanbila nni leni u loagu findima tuona nni.

Wagidugu, li binli 2026, citaa dana 19



**Kapitenni Ibrahimi TARAWORE**

**Bulicina Faso Yudanciamo**

Sayeli dogi taanyenma cagili (AYESI) Yudanciamo